

新式標點

史記菁華

小蝶



中華民國十四年六月初版  
中華民國十四年六月發行  
中華民國十四年十一月再版

●「史記精華錄全一冊」

●定價大洋五角

提倡國學  
史記精華  
翻印必究

標點者 剡溪 高嶽 岱

出版者 上海 掃葉山房

印刷者 上海 掃葉山房

總發行所 上海棋盤街掃葉山房

代售者 各省各埠大書局

## 史記菁華錄序

大史公窮泰山之巔，極禹穴之深，周覽天下，其文益工，浩浩蕩蕩，不可得名，如日月經天，江河行地，誠史家之傑作也。史公生孝武之世，其時士風，荼然掃地，焚坑於祖龍，黃老於高惠，司馬氏獨挽狂瀾於既倒，作中流之砥柱，其功亦偉矣！觀其所作，有年可紀，曰「本紀」；有家可述，曰「世家」；無年可紀，無家可述，曰「列傳」；體例森嚴，無懈可擊，其作書表也，或抒正論，或託微辭，汪洋姿肆，不可端倪；殆史公之大手筆歟！尤可嘉者，史記之作，不特紀事實而已；武帝而好神仙也，作封禪書以戒之；武帝而重賦稅也，作貨殖傳以諷之；武帝而用張湯，義縱輩也，作酷吏傳以諫之；其作伯夷、列傳也，借伯夷以自喻；其作屈原、列傳也，借屈原以自慨；洋洋灑灑，激昂慷慨，非獨史公造作之難，即後人讀之，亦非易易也。余友倪君，命余新式標點，俾後學清眉。

日，省光陰；固辭不文，不獲，遂貿然而展卷焉。夫新式標點，教部雖有頒布，然諸家雜說，尙有紛紛；此卷之舉，非敢自謂完全不遺，不過採用數種，俾邯鄲學步云爾時。

中華民國十四年孟夏剡溪高嶽岱序

## 史記菁華錄題辭

余少好龍門史記循環咀諷炙輠而味益深長顧其夥頤奧衍既不能束之巾笥又往詰評林迄無定本嘗欲抽挹菁華批導窾卻使其天工人巧刻削呈露俾士之欲漱芳潤而傾瀝液者瀾翻胸次而龍門之精神眉宇亦且鬱勃翔舞於尺寸之際良爲快事矣客有諭於予者曰史記者龍門一家言也而攀摘刺取之能無剽擄之訾乎予曰客蓋未達乎文章之原者也古者左史記事右史記言言爲尙書事爲春秋此史記之名所由昉也自左氏因春秋之文作內外傳於是言與事始並著於一篇之中宋真德秀論次文章正宗特分議論敘事爲兩途實原本尙書春秋之遺意而判厥町畦故其錄左國史漢之書一篇之文有割其事於此而綴其言於彼者蓋文選以下別無蒼萃古文有之自德秀始而其法已然且左氏用編年之法每自爲一篇以

盡一事之本末至杜元凱始分經之年與傳之年相符後世記誦之學亦各取其一節之精妙而命之曰篇其來舊矣顧獨於史記而疑之乎蓋古人之讀書也既知夫三倉五車之才選於千萬人而不能以一二遇也吾生也有涯而知也無涯以有涯隨無涯不亦殆乎又以爲古人比事屬辭事奇則文亦奇事或紛糅則文不能無冗蔓故有精華結聚之處卽不能無隨事敷衍之處掇其精華而略其敷衍而後知古人之作文甚苦而我之讀之者乃甚甘也今夫龍門之文得於善遊夫人而能言之矣則當其浮長淮泝大江極覽夫驚沙逆瀾長風怒號崩擊而橫飛者吾於其書而掇取之望雲夢之決瀕觀九疑之芊綿蒼梧之野巫山之陽朝雲夕煙靡曼綽約吾於其書而掇取之臨廣武之墟歷鴻門之坂訪潛龍之巷陌思霸王之雄圖鷹揚豹變慨悲懷吾於其文而掇取之奉使巴岷弔蠶叢魚鳧之疆捫石棧天梯之險

縈紆晦窅巉峭幽深吾於其文而掇取之適魯登夫子之堂撫琴書親杖履  
雍容魚雅穆如清風吾於其文而掇取之若夫後勝未來前奇已過於其中  
間歷荒隄而經破驛頑山鈍水非其興會之所屬斯逸而勿登焉讀其文而  
可以知其遊之道如彼則文之道誠不得不如此也吾見今之耳傭而目儼  
者日置全史於几案之旁自成童以迄皓首固有一卷之文偶值夫鈞章棘  
句卽掩卷不遑卒讀者徒琅琅於管嬰夷屈數傳又不得其竅却之所存猶  
且號於人曰剽擄之不久也其爲自欺以欺人豈不足胡盧一笑哉客無以  
難遂書其語於簡端凡史記舊文幾五十萬言今掇其五之一評注皆斷以  
鄙意視他本爲最最詳約亦數萬言龍門善遊此亦如米海嶽七十二芙蓉  
研山几案間臥遊之逸品也因目之曰史記菁華錄云

康熙辛丑七夕後三日苧田氏題

---

史記菁華錄 題辭





# 史記菁華錄標點說明

，逗點 古之所謂「讀」逗之以分上下眉目者也

；半支點 自成爲句然語氣尙未完也

·全點 語氣完結用之也

：冒點 總冒總結用之也又用以表如下云云者

〔引號 所引之話中須用此

〕複引號 話中有話用此

！感嘆號 感嘆驚駭猜度希望等用之

——長畫號 忽轉意思然有聯帶關係者

——雙畫卽插號 如項羽本紀——「亞夫者范增也」——

---

史記菁華錄

標點說明



# 史記菁華錄目錄

## 卷一

秦始皇本紀

項羽本紀

高祖本紀

高祖功臣年表

秦楚之際月表

六國表

封禪書

## 卷二

河渠書

平準書

越世家

陳涉世家

外戚世家

齊王世家

蕭相國世家

曹相國世家

史記菁華錄 目錄

留侯世家

陳丞相世家

卷二

絳侯周勃世家

伯夷列傳

司馬穰苴列傳

商君列傳

張列傳

孟子荀卿列傳

孟嘗君列傳

平原君列傳

信陵君列傳

范雎蔡澤列傳

卷四

廉頗藺相如列傳

屈原賈生列傳

刺客列傳

張耳陳餘列傳

淮陰侯列傳

韓王信盧縮列傳

酈生陸賈列傳

劉敬叔孫通列傳

季布欒布列傳

## 卷五

張釋之馮唐列傳

扁鵲倉公列傳

魏其武安侯列傳

李將軍列傳

匈奴列傳

衛霍列傳

司馬相如列傳

淮南列傳

## 卷六

汲鄭列傳

酷吏列傳

游俠列傳

貨殖列傳

滑稽列傳

太史公自序

---

史記菁華錄 目錄

先儒謂秦時詔令雜以吏牘自是以一稱漢文之自然漢詔之下實另具一段精嚴偉麗光燦此其第一令也絕大不羣先自定議復稱制以稱制可也始於此實爲娟娟有只三十餘字有援引有跌宕有

# 史記菁華錄卷一

## 秦始皇本紀

秦初并天下，令丞相御史曰：「寡人以眇眇之身，興兵誅暴亂，賴宗廟之靈，六王咸服其辜，天下大定，今名號不更，無以稱成功，傳後世。其議帝號，丞相縮，御史大夫劫，廷尉斯等，皆曰：「昔者五帝，地方千里，其外侯服，夷服，諸侯或朝或否，天子不能制。今陛下興義兵，誅殘賊，平定天下，海內爲郡縣，法令由一統，自上古以來，未嘗有五帝所不及。臣等謹與博士議曰：「古有天皇，有地皇，有泰皇，泰皇最貴。臣等昧死上尊號，王爲泰皇，命爲制，令爲詔，天子自稱曰朕。」王曰：「去泰著皇，采上古帝位號，號曰皇帝。他如議制曰：「可。」追尊莊襄王爲太上皇。制曰：「朕聞太古有號毋諡，中古有號，死而以行為諡，如此則子議父，臣議君也。甚無謂，朕弗取焉。自今以來，除諡法，朕爲始。」

斷制

皇帝，後世以計數，二世，三世，至千萬世，傳之無窮。

丞相縉等言：「諸侯初破，燕、齊、荆、地遠，不爲置王，毋以填之。請立諸子，唯上幸許。」始皇下其議於羣臣，羣臣皆以爲便。廷尉 李斯議曰：「周文、武所封子弟同姓甚衆，然後屬疏遠，相攻擊如仇讐，諸侯更相誅伐，周天子弗能禁止。今海內賴陛下神靈，一統皆爲郡縣，諸子功臣，以公賦稅重賞賜之，甚足易制。天下無異意，則安甯之術也。置諸侯不便。」始皇曰：「天下共苦戰鬪不休，以有侯王，賴宗廟，天下初定，又復立國，是樹兵也。而求其甯息，豈不難哉？」廷尉議：「是」分天下以爲三十六郡，郡置守、尉，監更名民曰「黔首」。一大酺收天下兵，聚之咸陽，銷以爲鍾鐻；金人十二，重各千石，置宮廷中。一法度衡石丈尺，車同軌，書同文字，地東至海，暨朝鮮，西至臨洮、羌中，南至北、嚮戶，北據河爲塞，並陰山，至遼東，徙天下豪富於咸陽十二萬戶，諸廟及章

爲秦計誠  
非然千古  
不能易者  
積重之勢  
使然也

憲法最古  
健絕去一  
切支葉



始皇初令  
華臣既以  
爲上古所  
未及故  
所不諫者  
凡進古  
皆以古  
爲本  
生獨以  
周言宜  
其如水  
石也全  
總以古  
爲眼目  
今

臺上林，皆在渭南。

三十四年，始皇置酒咸陽宮，博士七十人前爲壽，僕射周青臣進頌曰：「他時秦地不過千里，賴陛下神靈明聖，平定海內，放逐蠻夷，日月所照，莫不賓服。以諸侯爲郡縣，人人自安樂，無戰爭之患，傳之萬世，自上古不及陛下威德。」始皇悅。博士齊人淳于越進曰：「臣聞殷周之王千餘歲，封子弟功臣，自爲枝輔，今陛下有海內，而子弟爲匹夫，卒有田常六卿之臣，無輔拂，何以相救哉？事不師古，而能長久者，非所聞也。今青臣又面諛，以重陛下之過，非忠臣。」始皇下其議，丞相李斯曰：「五帝不相復，三代不相襲，各以治非其相反，時變異也。今陛下創大業，建萬世之功，固非愚儒所知，且越言乃三代之事，何足法也。異時諸侯並爭，厚招游學，今天下已定，法令出一，百姓當家，則力農工，士則學習法令辟禁，今諸生不師今而學古，以非當世惑亂黔